

Bosna i Hercegovine
Federacija Bosne i Hercegovine
Zeničko-dobojski kanton
Javna ustanova Centar za djecu i odrasle osobe s posebnim potrebama Zeničko-dobojskog kantona

Broj:01-49-439-3/25,
Zenica, 09.06.2025. godine

Na osnovu člana 27. Zakona o ustanovama („Službeni list RBiH“, broj: 6/92, 8/93 i 13/94) i člana 13. Statuta Javne ustanove Centar za djecu i odrasle osobe s posebnim potrebama Zeničko-dobojskog kantona („Službene novine ZDK“, broj: 1/15, 9/17, 18/19), a u skladu sa Programom: Podizanje svijesti o osobama s teškoćama u razvoju broj: 01-49-439/25 od 27.05.2025.godine, Javna ustanova Centar za djecu i odrasle osobe s posebnim potrebama Zeničko-dobojskog kantona raspisuje:

JAVNI POZIV

za odabir projekata nevladinih organizacija sa područja Zeničko-dobojskog kantona s ciljem poboljšanja statusa osoba sa teškoćama u razvoju u saradnji Ministarstva za rad, socijalnu politiku i izbjeglice Zeničko-dobojskog kantona sa JU Centar za djecu i odrasle osobe s posebnim potrebama Zeničko-dobojskog kantona

Pozivaju se nevladine organizacije sa područja Zeničko-dobojskog kantona koje zadovoljavaju kriterije kadra, opreme i prostora potrebnih radi finansiranja projekata s ciljem podizanja svijesti o osobama s teškoćama u razvoju, da dostave prijave.

Predmet javnog poziva

Predmet javnog poziva je prikupljanje prijava radi sufinansiranja projekata ili programa koji imaju za cilj poboljšanje statusa s teškoćama u razvoju.

Planirana budžetska sredstva se mogu dodijeliti za aktivnosti usmjerene na oblast socijalne zaštite sa akcentom na djecu i odrasle s teškoćama u razvoju i njihove porodice, kako slijedi:

- Prikupljanje informacija kroz terenske akcije i aktivnosti, s ciljem utvrđivanja problema osoba sa teškoćama u lokalnim zajednicama i davanja prijedloga za rješavanje istih, sa posebnim akcentom na osobe s teškoćama u razvoju koje nisu u mogućnosti samostalnog kretanja,
- realizaciju aktivnosti pomoći i podrške osobama s teškoćama u razvoju na području Zeničko-dobojskog kantona, sa posebnim akcentom na područja u kojima nema regionalnih dnevnih centara ili isturenih odjeljenja dnevnih centara koji egzistiraju pri JU Centar za djecu i odrasle osobe s posebnim potrebama ZDK (općine: Olovo, Breza, Vareš, Usora, Dobojug, Zavidovići i Kakanj),
- održavanje promotivnih kampanja na području Zeničko-dobojskog kantona o značaju podrške osobama s teškoćama u razvoju,
- edukativne aktivnosti i stručne radionice, koje imaju za cilj pružiti podršku porodicama s teškoćama u razvoju: psihološku i stručnu, kao i jačanje javne svijesti u oblasti socijalne zaštite na osobe s teškoćama u razvoju

Sve navedene aktivnosti se moraju provoditi na najmanje 3 općine/grada sa područja Zeničko-dobojskog kantona.

Pravo učešća

Pravo na učešće i dodjelu sredstava imaju nevladine organizacije socijalne zaštite sa područja Zeničko-dobojskog kantona, čija se osnovna djelatnost odnosi na oblast socijalne zaštite sa akcentom na djecu i odrasle sa teškoćama u razvoju.

Projekti koji neće biti podržani po ovom Javnom pozivu:

- a) Projekti čije je finansiranje predviđeno gradskim, kantonalnim ili federalnim budžetom;
- b) Projekti velikih razmjera za koje su potrebna znatna finansijska sredstva, osim u slučaju ako je većina sredstava osigurana iz drugih izvora;
- c) Projekti koji se isključivo zasnivaju na investicijskim ulaganjima, izgradnji, adaptaciji kapitalnih objekata i/ili kupovini opreme;

Visina sredstava

Putem Javnog poziva sufinansirat će se maksimalno 2 projekta. **Sredstva za sufinansiranje projekta** ne mogu prelaziti po projektu iznos od **30.000 KM**, s tim da su ukupna oprijedijeljena sredstva po ovom Javnom pozivu 40.000 KM.

Kriteriji za ocjenu

Kriteriji za odabir nevladine organizacije koja će se sufinansirati po osnovu Javnog poziva su:

- da je nevladina organizacija registrovana i djeluje na području Zeničko-dobojskog kantona,
- kvalitet predloženog projekta,
- da se planirani projekat realizuje u najmanje 3 općine na području Zeničko-dobojskog kantona,
- da je aplikant registrovan godinu dana prije objave javnog poziva,
- da aplikant ima aktivne članove u smislu djece s teškoćama u razvoju ili roditelja djece s teškoćama u razvoju,
- da je aplikant obezbijedio najmanje 10 % sredstava iz drugih izvora,
- da posjeduje kadrovske i prostorne i tehničke kapacitete za realizaciju projekta.

Potrebna dokumentacija

Za prijavu na javni poziv potrebno je dostaviti sljedeću dokumentaciju:

1. Popunjen, potpisan i ovjeren prijavni obrazac (**obavezno popunjen elektronski**);
2. Izvod iz Registra udruženja Ministarstva za pravosuđe i upravu Zeničko-dobojskog kantona (ne stariji od 6 mjeseca);
3. Uvjerenje o poreznoj registraciji (ID broj);
4. Bilans stanja i bilans uspjeha za prethodnu godinu;
5. Uvjerenje o izmirenim poreskim obavezama izdato od strane nadležne poreske uprave, (ne starije od 6 mjeseca);
6. Potvrda o bankovnom računu i potvrda o solventnosti;
7. Ovjerena izjava o broju osoba s teškoćama u razvoju, a koji se vode kao aktivni članovi nevladine organizacije,
8. Ovjerena izjava u kojoj se navode tačno pobrojane kadrovski, prostorni i tehnički kapaciteti za realizaciju projekta,
9. Ovjerena izjava kojom se navodi da će biti učešće u visini od 10 % od vrijednosti projekta,
10. Reference nevladine organizacije o realizovanim projektima iz oblasti koja je predmet javnog poziva (Odluka o odobravanju sredstava, novinski članci, priznanja, zahvalnice i slično).

Svi priloženi dokumenti moraju biti u originalu ili ovjerenoj kopiji koje nisu stariji od 6 mjeseci.

Vrednovanje prijava

Vrednovanje/ocjenjivanje pristiglih aplikacija, kriteriji i mjerila za dodjelu sredstava, provodit će komisija koju imenuje direktor Ustanove, u skladu sa Pravilnikom o bodovanju, koji će biti dostupan na web stranici Ustanove.

Sa aplikantima koji Odlukom Upravnog odbora budu uvršteni u raspodjelu sredstava zaključuje se ugovor kojim su detaljnije definisana međusobna prava i obaveze.

Završne odredbe

Prijavni obrazac za učešće na Javnom pozivu za odabir projekata, može se preuzeti na službenoj stranici JU Centar za djecu i odrasle osobe s posebnim potrebama ZDK (www.jucentarzdik.ba).

Javni poziv ostaje otvoren 15 dana od dana objavljivanja, na službenoj stranici Zeničko-dobojskog kantona (www.zdk.ba) i web stranici Ustanove (www.jucentarzdk.ba)

Prijavni obrazac za učešće na Javnom pozivu sa pratećom dokumentacijom obavezno dostaviti u zatvorenoj koverti na adresu:

**JU CENTAR ZA DJECU I ODRASLE OSOBE S
POSEBNIM POTREBAMA ZENIČKO-
DOBOJSKOG KANTONA
Ul. Saliha Cakana Mulalića br.5, 72000 Zenica**

sa obaveznom naznakom:
**„NE OTVARATI – po JAVNOM POZIVU
za dostavu projekta“,**
sa naznačenim **nazivom podnosioca prijave.**

Ocjenjivanje, izbor i rangiranje projekata vrši Komisija koju imenuje direktor, u skladu sa kriterijima definisanim u Pravilniku o bodovanju projekata.

Nepotpune i neblagovremene prijave neće biti uzete u razmatranje.

Ustanova nema obavezu vraćanja dostavljene dokumentacije.

Nakon razmatranja pristiglih prijava, prema prijedlogu Komisije, direktor Ustanove će sa organizacijama koji ispune zahtjeve javnog poziva potpisati ugovor o načinu utroška sredstava.

Bosna i Hercegovina

Federacija Bosne i Hercegovine

Zeničko-dobojski kanton

Javna ustanova Centar za djecu i odrasle osobe s posebnim potrebama Zeničko-dobojskog kantona

Broj: 01-49-439-2/25,

Zenica, 09.06.2025. godine

Na osnovu Programa: Podizanje svijesti o osobama s teškoćama u razvoju broj:01-49-439/25 od 27.05.2025.godine, direktor donosi:

ODLUKU

o raspisivanju Javnog poziva za odabir projekata nevladinih organizacija sa područja Zeničko-dobojskog kantona

Član 1.

U cilju realizacije Programa: Pобоljšanje statusa osoba s teškoćama u razvoju u saradnji Ministarstvo za rad, socijalnu politiku i izbjeglice Zeničko-dobojskog kantona i JU Centar za djecu i odrasle osobe s posebnim potrebama Zeničko-dobojskog kantona za nevladine organizacije sa područja Zeničko-dobojskog kantona, **raspisuje se** Javni poziv za odabir projekata nevladinih organizacija sa područja Zeničko-dobojskog kantona.

Član 2.

Tekst Javnog poziva objavit će se na službenoj stranici Zeničko-dobojskog kantona (www.zdk.ba), web stranici Ustanove (www.jucentarzdk.ba) i na oglasnoj ploči Ustanove.

Član 3.

Odluka stupa na snagu danom donošenja.

DIREKTOR



Ernad Metaj

Dostavljeno:

1x direktor,

1x Odjeljenje općih, pravnih, ekonomskih i kadrovskih poslova (rukovodiocu radi objavljivanja),

1x Upravni odbor (na znanje),

1x a/a.